



JU OŠ „MEŠA SELIMOVIĆ“ SARAJEVO

Školski odbor Broj: 01-1-996 /26

Datum: 29.06.2026. godine

Na osnovu člana 108. stav (1) tačka a) Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo", broj: 27/24), Školski odbor JU OŠ "Meša Selimović" Sarajevo na 4. sjednici održanoj dana 29.06.2026. godine donosi sljedeću:

ODLUKU

o usvajanju Izmjena i dopuna Pravila JU OŠ „Meša Selimović“ Sarajevo

I

Donose se Izmjene i dopune Pravila JU OŠ "Meša Selimović" Sarajevo, u skladu sa Saglasnošću Ministarstva za odgoj i obrazovanje Kantona Sarajevo, broj: 11-06/01-02-30817-1/26 od 19.06.2026. godine i Prijedlogom Izmjena i dopuna Pravila JU OŠ „Meša Selimović" Sarajevo koji je usvojen na Školskom odboru pod djelovodnim brojem: 01-1-777/26 od 03.06.2026. godine, a koji glasi:

IZMJENE I DOPUNE PRAVILA JU OŠ „MEŠA SELIMOVIĆ“ SARAJEVO

U Pravilima JU OŠ „Meša Selimović“ Sarajevo, broj: 01-845/25 od dana 20.06.2025. godine mijenja se:

Član 1.

Član 85. (Trajanje pripravničkog rada) mijenja se i glasi: (1) Lice koji prvi put zasniva radni odnos na poslovima u neposrednom odgojno obrazovnom procesu prima se u radni odnos u Školu u svojstvu radnika – pripravnika na određeno vrijeme, a najduže do isteka roka utvrđenog za polaganje pedagoško-psihološke grupe predmeta (ukoliko je obavezan da to položi), odnosno do kada je obavezan da položi stručni ispit u skladu sa Zakonom. (2) Škola je dužna, odmah po njegovom stupanju na posao, pripravniku izdati rješenje o pripravničkom stažu s rokom polaganja stručnog ispita i imenovati mentora. (3) Po završetku pripravničkog staža u trajanju od najmanje 6 mjeseci a najviše jednu godinu neposrednog odgojno-obrazovnog rada odnosno odgovarajućeg drugog stručnog rada, pripravnik je obavezan polagati ispit za samostalan odgojno-obrazovni rad, odnosno stručni ispit. Pripravnik stručni ispit polaže nakon isteka najmanje jedne (1), a najduže dvije (2) godine rada u neposrednom odgojno-obrazovnom radu. (4) Program osposobljavanja za samostalan odgojno-obrazovni rad, stažiranje, profil i stručna sprema mentora, sastav komisije, način i troškovi polaganja ispita za samostalan odgojno-obrazovni rad, odnosno stručnog ispita, obrazac uvjerenja o položenom stručnom ispitu i vođenje evidencije reguliraju se pravilnikom o polaganju stručnog ispita koji, na prijedlog Instituta za razvoj preduniverzitetskog obrazovanja Kantona Sarajevo, donosi ministar. (5) Troškove prvog polaganja stručnog ispita radnika pripravnika, odnosno sekretara ustanove snosi ustanova u kojoj je radnik-pripravnik, odnosno sekretar ustanove zaposlen, a troškove ponovnog (popravnog) polaganja stručnog ispita snosi radnik-pripravnik, odnosno sekretar ustanove. (6) Radni odnos sa radnikom-pripravnikom, koji nije u neposrednom odgojno-obrazovnom procesu, zasniva se zaključivanjem ugovora o radu na određeno vrijeme, i to: a) na šest mjeseci za poslove za koje se traži srednja i viša stručna sprema i b) na period najmanje jedne godine za poslove visoke stručne sprema ili završen I i II ciklus bolonjskog visokoobrazovnog procesa (180, 240 i 300 ECTS).

Član 2.

Član 102. (Predmet ocjenjivanja) mijenja se i glasi: (1) Predmet ocjenjivanja i broj bodova za radnike koji obavljaju pomoćno-tehničke poslove utvrđuje se prema sljedećim elementima: a) kvalitetno i efikasno obavljanje poslova – 0 do 5 bodova b) blagovremeno obavljanje poslova - 0 do 5 bodova c) predanost i marljivost u radu – 0 do 5 bodova d) korektan odnos prema sredstvima za rad – 0 do 5 bodova e) racionalno



JU OŠ „MEŠA SELIMOVIĆ“ SARAJEVO

korištenje radnog vremena i prisutnost na poslu – 0 do 5 bodova f) iskazivanje ličnih osobina na poslu kao što su odnosi i ponašanje prema strankama i radnim kolegama – 0 do 5 bodova.

Član 3.

Član 103. stav 1. (Ocjene rada radnika koji obavlja pomoćno-tehničke poslove) mijenja se i glasi: Opisne ocjene rada pomoćnog-tehničkog osoblja su: a) "izuzetno uspješan" (broj bodova 26 – 30), b) "uspješan" (broj bodova 21 – 25), c) "dobar" (broj bodova 16 – 20), d) "zadovoljava" (broj bodova 11 – 15), e) "ne zadovoljava" (broj bodova 0 – 10).“

Član 4. (Stupanje na snagu)

Izmjene i dopune Pravila JU OŠ „Meša Selimović“ Sarajevo stupaju na snagu danom usvajanja od strane Školskog odbora, a nakon dobivene saglasnosti od strane Ministarstva za odgoj i obrazovanje Kantona Sarajevo broj: 11-06/01-02-30817-1/26 od 19.06.2026. godine.

II

Izmjene i dopune Pravila iz tačke I ove Odluke objavljuju se na oglasnoj ploči Škole i web stranici Škole.

III

Odluka stupa na snagu danom donošenja.

PREDSJEDNIK ŠKOLSKOG ODBORA

Juso Kadrić

Dostaviti:
Oglasna ploča,
Web stranica,
a/a.